

# Ze barri?

ESKORIATZA / Egubakoitza / 2005eko azaroaren 25a / 232. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

## Pirritx eta Porrotxen ikuskizunaren estreinaldia

IKER BARANDIARAN

**Urtero moduan, Pirritx eta Porrotx pailazoek Eskoriatzan estreinatuko dute euren ikuskizuna. Bihar, zapatua, egingo dute kiroldegian, Axtrokiren eskutik.**

Urteroko hitzordu bihurtu da Pirritx eta Porrotxen bisita. Ondo dakite hori herriko ume eta gurasoek. Izan ere, dagoeneko zortzigarren aldia da herrian ikuskizuna egiten dutena.

Pailazoak, Axtroki elkarteak eta herriko umeak ondo konpontzen diren seinale. "Hasieran ikuskizun txikiagoak egiten hasi ginen. Gogoan daukat lehe-

nengo hiru saioak pilotalekuan izan zirela. Oso harreman ona egin genuen, eta handik aurrera ikuskizunen estreinaldiak egiten hasi ginen kiroldegian", azaldu zigun Pirritxek.

Bihar, zapatua, egingo dute kiroldegian. 17:00etan izango da, eta txartelak 5 eurotan daude salgai ibarreko herri gehienetan. Horrez gain, Axtrokik aditzera eman digu sarrera mugatuak izango direla.

**IJITOENGANAKO AURREKARIAK ALDATU** Pirritx eta Porrotx pailazoek *Maite zaitut* lana estreinatuko dute. Protagonistak Romi eta Anakleto ijitoak dira. "Zelanbait gura dugu ijitoenganako dauden aurreka-

riak ezabatu. Ume batzuei entzuten diegu ijitoen gainean txarto berba egiten, eta hori aldatu egin gura dugu", azpimarratu zuten.

### MUSIKA ETA DANTZA UGARI

Balkanetako Romi ijitoa Euskal Herrian bizi den Anakleto aitona eta pailazoak bisitatzera etorriko da. Romik Katiuska hartza

*'Maite zaitut' ikuskizuna estreinatuko dute bihar, zapatua, kiroldegian*

*Ijitoenganako aurreiritzien gainean hausnarketa egin gura dute*


berarekin ekarriko du. Katiuska Euskal Herriko mendietan gelditzen den hartz umezurtz bakarrarekin bizitzen geldituko da. Beste lagun batzuk ezagutuko dituzte: asto rockzalea, erle hip-hoperoa... Guztiek hainbat abentura bizi izango dituzte.

Ikuskizunak ordu eta hamar minutu iraungo du, eta hainbat kantu eta dantza saio tartekatuko dituzte.



PIRRITX ETA PORROTX

'Maite zaitut' da ikuskizun berriaren izena.




### Benito Lertxundirako sarrerak salgai

Datorren egubakoitzean, abenduaren 2an, Benito Lertxundik 40 urtez ikasten egonak zuzeneko diskoa aurkeztuko du kiroldegian, 22:30ean. Orain dela 4 urte, Lertxundik kiroldegia lepo bete zuen eta bi orduko emanaldia egin zuen. Zuzeneko diskoan hainbat sasoitako abestiak batu ditu, hemeretzi guztira. Hainbat herritan daude salgai sarrerak: Eskoriatzan, kiroldegian, Mirentxu tabernan eta Dorleta liburu-dendan; Aretxabaletan, Arlutzen; Arrasaten, Monte tabernan; Bergaran, Bilintxen; eta Oñatin, turismo bulegoan. / I.B.

### LABUR

### Domekan, umeendako 'Ahmed, Alhambrako printzea' filma, Ibarraundin

Orain dela gutxi, Udalak agindu zuen hamabostean behin umeendako filmak euskaraz emango zituela Ibarraundi museoan. Hilaren 13an, *Harry Potter eta sorgin harria* eman zuten, eta oso harreman ona izan zuen. Domekan, hilaren 27an, bigarren saioa egingo dute. Aukerátutako filma izango da *Ahmed, Alhambrako printzea*. Lan horrek 83 minutu irauten du, eta euskaraz emango dute. Interesatuek euro bat ordaindu beharko dute.



BAILARAKO OPTIKA

ITZIAR UGARTE

*Optika Audiometria Betaurrekoetan azken joerak*

Arrasate pasealekua 35, ARRASATE. 943 08 26 87  
Eskola Politeknikoaren ondoan

## TELEFONOJAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Astroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Delak	112

## OHARRAK

### ETZI, DOMEKA, FUTBOL ARETO NORGEHIAGOKAK

11:00etan, jubenil mailako taldeak Lasarte BHI izango du aurkari. 16:00etan, berriz, ohorezko ligako taldea CD Izarra Gorriren kontra lehiatuko da. Bukatzeko, 18:00etan, 1. mailako taldeak Elorrio izango du aurkari.

### ETZI, DOMEKA, UMEENDAKO FILMA, IBARRAUNDIN

Etzi, domeka, *Ahmed*, *Alhambra printzea* filma emango dute Ibarraundi museoa, 17:30ean. Euskaraz izango da.

## ENRIKE MAZMELA BOLINAGA


HORTZ  
KLINIKA

Eduardo Gorosarri 3-1. esk.  
Tel: 943 71 47 36  
Eskoriatza

## Txalaparta taberna



Aranburuzabala 25  
ESKORIATZA



Santa Marina auzoan hainbat etxebizitza egingo dituzte, horietatik 28 tasatuak.

## Santa Marinako etxeak eta berdintasuna berbagai

IKER BARANDIARAN

Atzo, eguna, hilabeteko osoko bilkura egin zuten udaletxean. Oraingoan ez zen polemika askorik izan, eta hortaz ez zen eztabaida askorik egon. **Berdintasuna, Santa Marinako etxebizitzaren proiektua, etxez etxeko laguntzak eta beste izan ziren mozioetan landutakoak.**

Atzoko osoko bilkuran aurkeztutako mozioetako bat izan zen Santa Marinako etxebizitzaren proiektuaren gainekoa. Lurzoru horretan, 142 etxebizitza egingo dituzte, eta horietatik 28 tasatuak izango dira, hau da, Udalak bultzatutakoak. Udalak aditzera eman zuen etxebizitza bakoitza 180.000 eurotan gutxi gorabehera salduko dutela. Etxebizitzak egiteko eta ingurua urbanizatzeko hainbat eskaintza jaso dituzte, eta onartzekoa zen zer enpresak egingo dituen lan horiek.

Bestalde, Udalak aditzera eman zuen etxez etxeko laguntza

zerbitzuan aldaketa batzuk egin gura dituztela, eta hori izan zuten berbagai. Eudelek eta Aldundiak hitzarmen bat egin dute zerbitzu hori Gipuzkoako herri guztietan bateratzeko. Horren arabera, zerbitzu hori ematen duen langileak orduko 13 euro jasoko ditu. Behin hori onartuta, aditzera emango dute araudia.

### BERDINTASUNAREN ALDEKO MOZIOAK

Horiez gain, Ezker Batuak taldeak berdintasunaren aldeko mozioak aurkeztu zituen. Horietako baten eskatu zuten berdintasunaren alde egiten ez duten herriko elkartei diru-laguntzarik ez ematea. Horrez gain, talde berak Emakumeen kontrako Tratu Txarren egunaren harira, manifestu bat irakurri zuen, praktika hori gogor salatuz.

Beste gai batzuk ere landu zituzten atzoko osoko bilkuran. Hain zuzen ere, Mendiolako pinudi baten salmenta zehaztea; iraganean Hezkuntzarena zen etxebizitza baten salmenta; eta beste batzuk.

*Santa Marinako etxebizitzak eraiki eta ingurua urbanizatzeko kontratazioa*

*Tratu txarren eta berdintasunaren gaineko mozioak aurkeztu zituen EB taldeak*

## Udalak eta Bidegik, konpromisoak zehaztuta

I.B.

Joan den astean, Bidegik eta Udalak autobidearen gaineko batzarra egin zuten Donostian. Datorren batzarrerako (abenduaren 15a) hainbat etxekolan zehaztu zituzten. Horrez gain, erabaki zuten astean behin autobidearen lanetako segurtasun arduradunak herritarren kezka argitzea.

Hilaren 17an egin zuten batzarra Udaleko ordezkariak eta Bidegiko arduradunak. Lanen hainbat puntu izan zituzten berbagai: hau da, Arlabango tunela, Ixispil Zarimutzera sarrera, Mazmelako, Uztarretako, Apotzagako hondakidegirako bideak eta beste. Udalak berriro jarri gura dituen bide-

en zerrenda egin beharko du. Notario-aktei dagokionez, Bidegik aditzera eman zuen herritarren kezka jasoko dituztela Santa Anan, Bibliotekan, Oletan...

Drainatzei dagokionez, elkarlanean konpontzea adostu zuten, eta Udalak horren gaineko listatu bat egin beharko du. Bestalde, Antontxuko harri-lubeta ere berbagai izan zuten. Eta, besteak beste, zaraten gaineko azterketa egitea adostu zuten.

Bidegik salatutako gehiegizko desjabetzeen errua Ferroviali leporatu zion, eta kasu horien zerrenda egitea erabaki zuten.

Horrez guztiaz gain, Bidegik eta Udalak adostu zuten lanen segurtasuneko arduradunak harrera egingo diela herritarrei udaletxean, astean egun batean.



## Santa Zezilia ospatu zuten

Martitzenean, hilaren 22an, kontzertu berezia egin zuten Ibarraundi museoko aretoan, Santa Zezilia eguna ospatzeko. Gasteizko Kontserbatorioko musikari gazteek esku hartu zuten, musikagintzaren promesa direnak: Ane Urkiola, Mikel Ibañez eta Haizea Lizarazu biolin jotzaileak; Itsaso C. de Bergara klarinete jotzaileak; eta Haizea Lizarazu piano jotzaileak, hain zuzen ere. Besteak beste, Mozart, Shostakovic eta Milhauden piezak jo zituzten, eta aretoa gainezka egon zen, oso harrera ona izan zuten-eta. / ARGAZKIA: JUAN LUIS MERINO

## TOKI ALAI TABERNA

Karajiloetan  
espezializatua

Tel.: 943 71 47 29  
ESKORIATZA


## AZKOAGA ESTANKOA

943 71 48 77  
Zure  
Zerbitzura

LENIZ, C.B. KONPONKETAK



TXAPA, MARGOA eta MEKANIKA



Aingeru ibiltokia z/g. • Tel.: 943 71 50 61 • Eskoriatza